

**568. fundur Sveitarstjórnar Tálknafjarðarhrepps haldinn Strandgötu 38, 21.
janúar 2021
og hófst hann kl. 18:00.**

Fundinn sátu:

Bjarnveig Guðbrandsdóttir (BG) , Guðni Ólafsson (GÓ) , Ingibjörg Ósk Þórhallsdóttir (IÓÞ) , Björgvin Smári Haraldsson (BSH) , Lilja Magnúsdóttir (LM) og Ólafur Þór Ólafsson (ÓÞÓ).

Fundargerð ritaði: Ólafur Þór Ólafsson, Sveitarstjóri

Oddviti býður fundarmenn velkomna og athugar hvort athugasemdir séu við fundarboðun, svo var ekki og oddviti lýsir fund 568 lögmætan.

Oddviti óskar eftir afbrigðum um að mál með málsnúmer 2101534 verði tekið á dagskrá og var það samþykkt.

Dagskrá:

1. Erindi frá Grænfánanefnd Tálknafjarðarskóla - 2101471

Erindi frá Grænfánanefnd Tálknafjarðarskóla dags. 05.01.2021 varðandi flokkun á rusli.

Sveitarstjórn þakkar Grænfánanefnd Tálknafjarðarskóla fyrir gott starf og fyrir erindið. Vísað til vinnu við undirbúning á útboði á sorphirðu sem er stefnt að því að fari fram á vormánuðum 2021.

2. Samningur um Áfangastaðastofu Vestfjarða - 2101498

Minnisblað Vestfjarðarstofu til sveitarfélaganna á Vestfjörðum dags. 13.01.2021 þar sem óskað er eftir heimild til handa stjórnar Vestfjarðarstofu/FV til að staðfesta samning við Atvinnuvega- og nýsköpunarráðuneytið um Áfangastaðastofu á Vestfjörðum. Jafnframt er lagt til að Áfangastofa á Vestfjörðum verði rekin sem deild innan Vestfjarðastofu og taki við verkefnum Markaðsstofu Vestfjarða.

Sveitarstjórn samþykkir samhljóða tillögu um að Áfangastaðastofa á Vestfjörðum verði rekin sem deild innan Vestfjarðastofu og taki við verkefnum hafa verið á sviði Markaðsstofu Vestfjarða. Jafnframt er samþykkt að veita stjórn Vestfjarðastofu heimild fyrir hönd sveitarfélagsins til að staðfesta samning við Atvinnuvega- og nýsköpunarráðuneytið vegna þessa.

3. Áætlun endurnýjuð Áfangastaðaáætlun Vestfjarða til umfjöllunar og samþykkis - 2010038

Mál frá 563. fundi sveitarstjórnar 12.11.2020.

Sveitarstjórn staðfestir drög að Áfangastaðaáætlun Vestfjarða.

4. Stafræn þróun kynningar fyrir sveitarfélög - 2101512

Tölvupóstur frá breytingastjóra stafrænnar þjónustu hjá Sambandi íslenskra sveitarfélaga dags. 24.11.2020 um þátttöku í stofnun miðlægs tækniteymis sem sinna mun innleiðingu rafrænna lausna, gagnauppbyggingu og tengingu gagna gagnvart öllum sveitarfélögum landins. Fram kemur að árlegur kostnaður vegna þessa verði kr. 45.000.000,- sem skiptist á milli sveitarfélaga og er þar af árlegur hlutur Tálknafjarðarhrepps áætlaður kr. 235.000,-. Jafnframt er lögð fram kynning á verkefninu dags. 18.11.2020.

Sveitarstjórn samþykkir með fjórum atkvæðum þátttöku Tálknafjarðarhrepps í stofnun miðlægs tækniteymis á vegum Sambands íslenskra sveitarfélaga ásamt kostnaðarhlutdeild sveitarfélagsins í verkefninu í samræmi við framlögð gögn. BSH greiðir atkvæði á móti.

5. Persónuverndarstefna Tálknafjarðarhrepps - 2101522

Tillaga að persónuverndarstefnu Tálknafjarðarhrepps lögð fram til staðfestingar.

Sveitarstjórn staðfestir samhljóða framlagða tillögu að persónuverndarstefnu Tálknafjarðarhrepps.

6. Vatn Beiðni um kaup á heitu vatni Allt í járnum - 1812022

Tölvupóstur frá Allt í járnum ehf. dags. 15.11.2020 þar sem óskað er eftir því að erindi dags. 04.12.2018 varðandi kaup á heitu vatni verði tekið fyrir að nýju, en afgreiðslu þess var frestað á 535. fundi sveitarstjórnar 13.12.2018.

Lilja Magnúsdóttir lýsti vanhæfi til að taka þátt í afgreiðslu málsins vegna venslatengsla.

Lagt fram. Afgreiðslu frestað.

Sveitarstjóra falið að hraða vinnu vegna gjaldskrár hitaveitu ásamt nauðsynlegum rannsóknum á afhendingarmöguleikum á heitu vatni.

7. Vegagerð - umsókn - 2101527

Erindi frá Eignarhaldsfélaginu Sellátur ehf. dags. 15.01.2021 þar sem óskað er eftir því að Tálknafjarðarhreppur sendi umsókn um styrk til samgönguleiðar vegna vegar út að Sellátrum.

Sveitarstjóra falið að undirbúa umsóknir vegna styrkvega. Frestað til næsta fundar.

8. Girðing - 2101523

Ódagsett erindi frá Torfa Elís Andrésyni vegna girðingar.

Sveitarstjórn samþykkir samhljóða að aðhafast ekki í málinu þar sem samningur vegna girðingar á Gileyri er útrunninn. Sveitarstjórn þakkar bréfitara samstarfið í málinu á undanförunum árum.

9. Verkfallslistar 2021 - 2101534

Erindi frá Sambandi íslenskra sveitarfélaga dags. 19.01.2021 varðandi skrá sveitarfélaga yfir störf hjá sveitarfélögum sem heimild til verkfalls nær ekki til.

Sveitarstjóra er falið að uppfæra verkfallslista fyrir Tálknafjarðarhrepp og auglýsa

fyrir lögbundinn frest sem er 1. febrúar.

10 Umsagnarbeiðni vegna breytingar á starfsleyfi Arnarlax - 2011204

Erindi frá Skipulagsstofnun dags. 14.01.2021 þar sem tilkynnt er um ákvörðun Skipulagsstofnunar vegna breytingar á starfsleyfi Arnarlax í Patreksfirði og Tálknafirði.

Lagt fram. Sveitarstjórn harmar að umrædd breyting á starfsleyfi skuli ekki háð umhverfismati. Jafnframt ítrekar sveitarstjórn bókun sína frá 563. fundi sínum þar sem áhersla er lögð á að þau sveitarfélög þar sem starfsemi sjókvíaeldis fer fram fái afrit af öllum vöktunarskýrslum sem tilheyra starfseminni.

11 Minnisblað um drög að jarðgangaáætlun Vestfjarða. - 2101479

Minnisblað frá Vestfjarðastofu dags. 08.01.2021 vegna jarðgangaáætlunar Vestfjarða.

Sveitarstjórn Tálknafjarðarhrepps telur að það séu einkum tvennt sem vegi þyngst þegar jarðgangakostum á Vestfjörðum er forgangsraðað:

** Tryggja þarf að heilsárssamgöngur séu milli atvinnusvæða þannig að unnt sé að sækja vinnu og þjónustu árið um kring milli byggðarkjarna innan sama atvinnusvæðis.*

** Tryggja þarf að flutningur fólks, aðfanga og afurða til og frá Vestfjörðum sé mögulegur allt árið eftir greiðfærri Vestfjarðaleið.*

Út frá ofangreindum forsendum er það álit sveitarstjórnar Tálknafjarðarhrepps að forgangsröðun jarðgangaframkvæmda á Vestfjörðum skuli vera eftirfarandi:

- 1. Jarðgöng um Mikladal og Hálfván séu ein framkvæmd og hönnuð, fjármögnuð og unnin sem slík. Setja skal þessi jarðgöng í forgang á undan öðrum jarðgangaframkvæmdum á Vestfjörðum ásamt Súðavíkurgöngum milli Skutulsfjarðar og Álftafjarðar. Stefnt skal að því að þessi tvö jarðgangaverkefni verði unnin á sama tíma til að tryggja áframhaldandi uppbyggingu á Vestfjörðum og öryggi íbúa og gesta.*
- 2. Jarðgöng um Klettsháls skulu vera næst í röð jarðgangaframkvæmda á Vestfjörðum til að tryggja örugga flutninga fólks og flutninga aðfanga og afurða til og frá Vestfjörðum.*
- 3. Breikka verður göng undir Breiðadals- og Botnsheiði sem fyrst til að koma í veg fyrir tafir á umferð um göngin vegna mikillar umferðar. Líta ber þó á þá breikkun sem viðhald á vegi en ekki sem nýja jarðgangaframkvæmd og á því að skoðast sem viðhaldsverkefni.*
- 4. Huga verður að bættu öryggi vegfarenda um Raknadalshlíð og Kleifaheiði og tryggja öryggi á þeirri leið sem einni heild. Ekki er hægt að aðskilja þessa tvo vegarkafla þegar litið er til öryggis vegfarenda og úrbóta til að bæta það.*

Sveitarstjórn Tálknafjarðarhrepps ítrekar enn og aftur nauðsyn þess að horfa til framtíðar þegar samgöngur á Vestfjörðum verða bættar á allan hátt og það eins fljótt og kostur er til að tryggja áframhaldandi uppbyggingu og eflingu samfélaganna á Vestfjörðum.

Sveitarstjóra er jafnframt falið að koma athugasemdum og ábendingum Tálknafjarðarhrepps við skýrsluna „Vestfirðir, jarðgöng og aðrar samgöngubætur“ á framfæri við Fjórðungssamband Vestfirðinga.

12 Hólsá skil á greinargerðum samkvæmt samningi um rekstur vatnshæðarmælis í Hólsá í Tálknafirði - 2101492

Ódagsett minnisblað frá Veðurstofu Íslands vegna reksturs vatnshæðarmælis í Hólsá í Tálknafirði 2018-2020.

Lagt fram. Sveitarstjórn telur rétt að haldið verði áfram að skoða Hólsá sem virkjunarkost.

13 Niðurstaða Umboðsmanns Alþingis - 1809034

Bréf frá Umboðsmanni Alþingis dags. 30.12.2020 vegna kvörtunar Ingimundar Einars Grétarssonar á afgreiðslu Tálknafjarðarhrepps um aðgang að gögnum máls sem varða starf sveitarstjóra. Með erindinu fylgir álit setts umboðsmanns Alþingis í tilefni af kvörtunum sem varða upplýsingarétt aðila máls í ráðningarmálum dags. 30.12.2020. Í bréfinu kemur fram að umboðsmaður hafi ákveðið að ljúka athugun sinni vegna málsins en í staðinn ákveðið að fjalla með almennum hætti um upplýsingarétt umsækjenda um opinber störf.

Lagt fram.

14 Umsögn um viðauka við Landsskipulagsstefnu 2015-2026 - 2101476

Umsögn Vestfjarðastofu um viðauka við Landsskipulagsstefnu 2015-2026 dags. 08.01.2021.

Lagt fram.

15 Beiðni upplýsingabeiðni um fjarskiptainnviði - 2008124

Bréf frá Póst- og fjarskiptastofnun dags. 13.01.2021 varðandi upplýsingabeiðni um fjarskiptainnviði.

Sveitarstjóra falið að svara erindinu.

16 Covid 19 tillögur Velferðarvaktarinnar til ríkis og sveitarfélaga í mótvægiáðgerðum - 2012441

Erindi frá Sambandi íslenskra sveitarfélaga dags. 15.12.2020 þar sem kynntar eru tillögur Velferðarvaktarinnar dags. 07.12.2020 um tillögur til stjórnvalda, bæði ríkis og sveitarfélaga, í mótvægisáðgerðum vegna COVID-19 faraldursins.

Lagt fram.

17 Manntal og húsnæðistal 2021 - 2012403

Erindi frá Hagstofu Íslands dags. 27.11.2020 þar sem tilkynnt er um að Hagstofan undirbúi töku manntals og húsnæðistals 1. janúar 2021.

Lagt fram.

18 Til umsagnar frumvarp til laga um Hálandisþjóðgarð, 369. mál. - 2012424

Erindi frá nefndasviði Alþingis dags. 15.12.2020 þar sem sent er til umsagnar frumvarp til laga um Hálendisþjóðgarð.

Lagt fram.

19 Upplýsingagjöf sveitarstjóra 2021 - 2101521

Minnisblað sveitarstjóra um stöðu verkefna lagt fram.

Lagt fram.

Sveitarstjóra er falið að undirbúa valkostagreiningu vegna hugsanlegra sameiningarkosta Tálknafjarðarhrepps við önnur sveitarfélög og leggja tillögu um framkvæmd á slíkri könnun fyrir sveitarstjórn.

20 Fundargerðir 2020 samráðsnefndar Vesturbyggðar og Tálknafjarðarhrepps - 2008190

Fundargerð 59. fundar Samráðsnefndar Vesturbyggðar og Tálknafjarðarhrepps sem fór fram 17.12.2020.

Lagt fram.

21 Fundargerðir 2020 Vestfjarðarstofu - 2003304

Fundargerðir 31. stjórnarfundar Vestfjarðarstofu sem fór fram 27.10.2020 og 32. stjórnarfundar Vestfjarðarstofu sem fór fram 16.12.2020. Jafnframt er Starfsáætlun Vestfjarðarstofu 2021 lögð fram.

Lagt fram.

22 Fundargerðir 2019-2020 samgöngunefndar - 2101504

Fundargerðir funda stækkaðar samgöngunefndar Fjórðungssambands Vestfirðinga sem fóru fram 11.11.2020 og 16.12.2020.

Lagt fram.

23 Fundargerðir 2020 Heilbrigðiseftirlit Vestfjarða - 2002272

Fundargerð 131. fundar Heilbrigðisnefndar Vestfjarðarsvæðis sem fór fram 10.12.2020.

Lagt fram.

24 Hafnasambandsþing 2020 - 2007039

Þinggerð Hafnasambandsþings 2020 sem fór fram 27.11.2020 í netheimum.

Lagt fram.

25 Fundargerðir 2020 Hafnasamband - 2001111

568. fundur
25.01.2021

Fundargerðir 429. fundar stjórnar Hafnasambands Íslands sem fór fram 26.11.2020 og 430. fundar stjórnar Hafnasambands Íslands sem fór fram 11.12.2020.

Lagt fram.

26 Fundargerðir 2020 Samband íslenskra sveitarfélaga - 2002160

Fundargerðir 891. fundar stjórnar Sambands íslenskra sveitarfélaga sem fór fram 20.11.2020 og 892. fundar stjórnar Sambands íslenskra sveitarfélaga sem fór fram 11.12.2020.

Lagt fram.

Oddviti þakkar fundarmönnum góðan fund og slítur fundi.
Fleira ekki gert. Fundi slitið kl. 21:00.

Bjarnveig Guðbrandsdóttir
(BG)

Guðni Ólafsson (GÓ)

Ingibjörg Ósk Þórhallsdóttir
(IÓÞ)

Björgvin Smári Haraldsson
(BSH)

Lilja Magnúsdóttir (LM)
